



Universitätsbibliothek Paderborn

**Allocutiones Sacræ, S^vp^r Evangelia Dominicarvm totius
anni**

Jahoda, Johann

Pragæ, [ca. 1659]

Dominica IV. Adventūs. Cunæ & fasciæ Salvatori nascituro præparantur.

[urn:nbn:de:hbz:466:1-51496](#)

DOMINICA IV. ADVENTVS.

Cunæ & fasciæ Salvatori nascituro præparantur.

Videbit omnis caro salutare Dei. Luc: 3.

Prov: 13.12.

Senec: I. 2.
de benef. c. 5.

Isai. 45. 8.

Eccl: 5. 3.

Psalm. 12.

Incognit:a-
pud Escob:
volum. 3.
l. 9.

Isai. 28. 10.

Verissime divinus dixit Sa-
piens: *Spes, qua differtur,
afflit animam.* Si enim
desideranti invisa est quævis
mora, quid longa expectatio? Cum
expectatio longior est, consenescit animus,
& debilitatur mens, & nihil aquæ ama-
rum, ac diu pendere, inquit Seneca.
Consenescere hactenus nimium quan-
tum poterant veterum Limbicolarum
animi, & non debilitari solum, sed o-
mnino frangi leves sine corpore men-
tes, quingentis jam pene seculis pro-
missum Messiam expectantium, & us-
que & usque necquicquam clamanti-
um: *rorate cœli desuper, & nubes pluant
Iustum; aperiatur terra, & germinet
Salvatorem.* Itane tardi in adimplen-
dis promissis sunt superi? itane diffi-
cultur, quam semel obligarunt fidem,
exolvunt? Itane qui alijs præcipiunt:
si quid voristi, ne moreris reddere, ipsi
pacta sua tam diu morantur? Usquequo

loquor) ut promissum beneficium tantò Bonavent.
avidius expectaretur, expectatum differ- in breviolog:
retrur, dilatum amplius desideraretur, diu p. 4.

desideratum ferventiùs amaretur, gra-
tiosius susciperetur, atque sollicitius serva-
retur. Est & Mater Ecclesia diebus
istis tota in expectatione, tota in desi-
derijs, & affectibus, tota in ô! ô! ô!
Clamat per integrum hebdomadem,
quotidieque duplicat: ô Sapientia! ô
Adonai! ô radix Iesse! ô clavis David!
ô Oriens! ô Rex gentium! ô Emmanuel
veni, veni, veni! Nec otiosa hæc vide-
ri debent desideria; nam licet Christus
jam ab hinc mille sexcentis quinqua-
ginta & octo annis venerit; tamen
gratiosissimi illius adventus annua re-
præsentatio, non minori aviditate,
quam si primùm saturus esset, expe-
tenda est. Semper enim novum (ait Berna. ser.
Bernardus) quod semper innovat mentes; in Vigil:
nec unquam vetus, quod fructificare non Nat. Dom:
cessat, quod in perpetuum non marcescit.

Vnde acriter invehitur in eum, qui
indevotus, ingratuus, irreligiosus, anniver-
sarium Christi Domini natalem tan-
quam minimè novum non desiderat.
Olim, inquit, cœpit audiri verbum hoc,
& nemo Sanctorum aliquando fastidivit.
Tu vero solus inepte fastidiosus, qui nau-
spice oculis illius expectatissima faciei tuae.
seas ad ea mysteria, que ab omnibus San-
Prophetarum, qui est facies Dei? Re-
spice igitur, & exaudi me Domine. Re-
spice oculis illius expectatissima faciei tuae.
Sed expecta, reexpecta ô bone David. Etis avidissimè appetuntur; hanc natali-
Vel ideo Deus Filium hactenus mitte-
tiam celebritatem non appetis, non deside-
ret tardavit (cum Seraphico Doctore ras, neq; toto, ut par est, amimi affectu pre-
stola-

stolaris? Rem profectò, si qua uspiam esse potest, indignissimam. Né ergo censuram tanti Doctoris incurramus, affectus nostros, quantum possumus, erga tantum mysterium accendamus. Ego illud modò docebo, quænam à nobis excipiendo Salvatori sint præmittenda.

Ingeniosa in cultum D. Virginis Hispania speciale octo ante Nativitatem Domini diebus festum celebrat, sub titulo EXPECTATIONIS MARIAE, quâ horam illam felicissimam partus sui incredibili desiderio expectabat, seseque ad illum quâm ferventissime disponebat.

Quis enim credit (ait Maria) Recentior Hispanus) eo tempore, quo mensis ferè nonus à sacro ageretur conceptu, otiosam fuisse Virginem, nullamque, vel exiguum habuisse rationem hebdomadum ac dierum, imò horarum, quas gravidæ mulieres ad ium usque partum diligenter observant? En igitur tibi alteram Sapientem Sunamitidem, quæ summo Prophetæ, aut potius Prophetatum Domino mensam, candelabrum, lectulumq; studiosè paravit. En solicitam, ac officiosam planè Martham, quæ cùm in maxima tanti partus, novique hospitis expectatione foret, non potuit fascias, linctea, & id genus alia, quæ instanti puerperio defervirent, non suis conficeret manibus, & ob singularem Filij reverentiam apparare, ingenioso semper amore, sollicito erga filios affectu materno. Christum non dubito, universi parturitis, Christo prægnantes estis, Christi Matrem agere vultis; nam illo ipso fatente: *quicunque fecerit voluntatem Patris, qui in cœlis est, hic ejus*

Mat. 12. 10.

Mater est: Agite igitur, quæ Matrum sunt officia, & nascituro divinissimo Infantì

Primò omnium adornate cunas, sive lectulum. Apud Lacoenas puerorum cunabula erant clypei, qualia & Hercules cum Iphiclo Alcmenæ filij habuere, teste Theocrito:

Lavit ubi genitrix, & lacte implevit urum, Theocr. Idyll: 4.

Ærato imposuit clypeo - -
quo etiam allusile videtur Claudianus accinens Honorio:

Reptasti per scuta puer - -

Sed non hæc puer Bethlemitico conveniunt, qui non ad bella, sed ad pacem; non ad sumenda, sed ad conflanda arma nascitur; nam ut vaticinatur Propheta, vocabitur nomen ejus Princeps pacis, in cuius diebus homines conflabunt gladios suos in vomeres, & lanceas *Isai: 2. 4.* suas in falces: non levabit gens contra gentem gladium, nec exercebuntur ultra ad prælium.

Affera tunc positis mitescent secula bellis Virg: l. 1.
Claudentur belli portæ - - Aeneid.

poteritque falcibus inscribi illud Marianis:

Pax me certa Ducis placidos conflavit in usus, Martial. l. 14. epig. 34.
Agricole nunc sum: militis ante fui.

Et verò si historias veterum revolvamus, inquit Hieronymus, inveniemus usq; ad *vigesimum octavum annum Augusti Cæsaris, cuius quadragesimo primo natus est Christus in Iudea, in toto orbe terrarum fuisse discordiam, & singulas nationes con-* Hier. in c. 2. Isai. v. 18

tra vicinas gentes arsisse studio præliandi, ita ut cederent, & caderentur. Orto autem Domino Salvatore, quando sub Preside Syria Cyrino prima est in orbe terrarum facta descriptio, & Evangelicæ doctrinae Pax Romani Imperij preparata, tunc omnia bella cessaverunt, & nequam per oppida & vicos ad pralia, sed ad agrorum cultus exercebantur.

Malè proinde illum super clypeum locaremus, siquidem non venit homines perdere, sed salvare; & in quo, ut ait hodie Joannes, videbit omnis caro salutare Dei. Quasi diceret: non videbit sanguinarium aliquem Julium Cæsarem, qui prædicare solebat; undecies centum & nonaginta millia hominum, præter eos qui civilibus bellis periissent, suo ductu & auspicijs cæsa: non videbit cruentum Pompejum, qui spatio triginta annorum vigesies semel centena octoginta tria millia: non Alexandrum, qui uno contra Darium commisso prælio nonaginta millia Persarum: non Annibalem, qui Romanorum ad Cannas 40. millia ferro delevit; sed videbit Salvatorem, videbit plusquam Josephum Ægyptium, plusquam Moysem, plusquam Othoniem, Gedconem, Samsonem: hi enim à servitute tantum temporali suos liberarunt; ille autem salvum faciet populu suum a peccatis eorum.

Meliùs idcirco argenteas, quām ferreas illi cunas convenire judicarem, quales Godefri-dus tertius Brabantia Dux habuisse fertur, quē infantem sub tempus prælii in cunis argenteis ex arbore suspensum referunt historiæ, ut ejus cōspectu præ-mantium militum animi succenderen-

*tur. Verūm qui non argentei solum, at planè aurei seculi Pater futurus prædicitur, in ipsum omnino aurum dignus est, qui includatur. Passim Interpretes per aurum intelligunt charitatem. Nam sicut illud inter metallia, ita hæc inter virtutes primatum tenet; sicut illud omnia vincit, ita & charitas; sicut illud in igne, ita hæc in adversis magis elucescit, ac proinde nō aliud intellexit & Joannes, quām charitatem, cùm Episcopo Laodiciæ scripsit: *Suadeo tibi a me emere aurum igni-tum.**

Apoc. 3.18.

*V. Alcazar
in Apoc. c.
1. pag. 223.*

Aurum istud non in corde ter-ræ, sed in corde hominis crescit; unde cor totum aureum habere dicendus est, quisquis charitate plenum habet. Huc huc itaque Puer de Bethleem (sic cum Seraphico Francisco appellare liceat) huc, inquam, optimè reclinabitur. Si enim Cœli gemma, & mar-garitum, si unio & lapis pretiosus, si rubinus, si carbunculus est, quō decen-tiūs includi poterit, quām in aureum corculum? Sic inclusus est in corde B. Margaritæ à Castillo, quæ amore pueri Jesu ita ignescebat, ut totos etiam dies coram præsepio in ejus contemplatione deliciaretur. Cùm defunctæ intefina extraherentur, ut corpus ob-de-votionem fidelium aromatum beneficio incorruptum servari posset, res mira! in corde extracto tres gemæ reper-tæ sunt, quarum prima pulcherrimam feminam referebat; & Virginis puer-peræ figuram esse omnes subsignarunt: secunda speciosum Infantulum, quem oves circumdabant, repræsentabat, & hic erat Virginis filius speciosus formæ præfilis hominum: tertia honestum &

*Anton. de
la Penna in
ejus vita.*

venerabilem virum continebat, & pone illum columbam candidam; atque Sanctissimum Josephum notabat, qui in Virginis sponsum columbae signo electus est. Hinc illæ viventis etiamnum Margaritæ voces identidem audiri solitæ: *ð si sciretis vos, quod ego in corde meo gesto & retineo!* Quid dicam de S. Ignatio Antiochenæ Ecclesiae Antistite, qui in qualibet cordis particula divinum istum thesaurum reposuerat? Nam post mortem corde ejus in minimas partes conciso, unicuique Nomen Jesu impressum cernebatur. Est, est Jesu amans cor svavissimus ejusdem, lectulus, in quo libentissimè cubat, facillimè obdormiscit, ut passim testantur imagines, quæ Jesulum in cordedormientem repræsentant, cum inscriptione: *ego dormio & cor meum vigilat.*

Sed jam parato lectulo fascias quoque præparemus necesse est. Opinatur nonnemo panniculos, quibus infantem Jesum B. Virgo involvit, è virginis velamentis confectos esse. Num ergo & nos vestes proprias interulasq; in fascias discindemus? Trajanus quidem Imperator, post Decebalum Daciano. corum Regem prælio victum, cùm sauciatis militibus ligamina deessent, suam ipsius vestem in laciniis consilfam inter eos partitus est vulneribus obligandis. At qui jam pridem monuit: *scindite corda vestra, & non vestimenta vestra, lacinijs hujusmodi se minimè delectari ostendit.* Devote animæ affectus carissima ei ligamina sunt. In hos totum nostrum pectus discindamus, & repetamus sæpius cum Sponsa,

O quis mibi der te fratrem meum fugientem ubera Matri mea, ut inveniam te, & deosculer te, & jam me nemo deficiat. Apprehendam te, & ducam in cubile cordis mei, & dabo tibi poculum ex vino condito, & mustum malorum granatorum meorum. Repetamus cum melleo Bernardo:

*Desidero te millies
Mi Iesu quando venies?
Quando me letum facies?
Me de te quando saties?*

Talibus desiderijs & affectibus summe illum ligavit S. Antonius de Padua, qui supra modum erga Infantiam Salvatoris affectus erat, unde cum alicubi peregrinus in cubiculo sine arbitris agebat, hospes domus, cubiculum fortè transiens, miram intus advertit claritatem, observansque curiosius per rimam quid ageretur, vidit pulcherrimum Infantem sacerdotis librum Sancti, quem ille brachijs stringens svavissimè amplexbatur, diuq; contemplans avelli ab eo non poterat. Nemirum difficulter rumpuntur vincta, quæ divina nexuit charitas; nam *fortis est ut mors Iesu dilectio.* Sic quoque divinum hunc Infantem captivavit B. Stanislaus Kostka, dum Viennæ Austriae è gravi morbo decumbens inter ferventissima ejus potiundi desideria ex ipsis B. Virginis manibus velut alter Simeon in suas ulnas suscepit. Sic P. Alphonsus Barzana, Societatis Iesu, cui familiare fuit nunquam quieti nocturnæ sese tradere, quin ad lecti caput statuam pueri Jesuli quasi secum dormituri statueret. Extremo morbo, cùm nocte aliqua nescio quo-

*Apud Dre-
xel de Chri-
sto nasc. p.
l. c. 6. §. 1.*

*DioCass: in
Trajano.*

Ioël: 2. 13.

*Sachin in
ejus vita.*

*Philip. A-
legambe in
biblioth.
script: Soc:
Iesu,*

quomodo ejus oblitus Infirorum custodem inclamasset, suum sibi dilectum porrigeret, ipsemet se stitit coram aegro Infans, dicens : *ne fatigare; en hī ego tecum sum.* Quām nos felices & beatos reputaremus, si vel ad unum momentum simili ejus præsentia frui, si vel uno amplexu stringere, si vel unum osculum & svavium roseo illi multumque amabili vultui imprimere possemus ! At heu ! quem toties realiter præsentem habemus, non agnoscimus. Quoties ille in sumptione SS. Eucharistiae, si non visibiliter (*ut S. P. N. Ignatio, alijsque multis*) realiter tamen ac personaliter, non in ulnas tantum nostras, sed ipsa intima viscera descendit ! Et tamen quo affectu, quo devotionis sensu, quo gustu suscipitur ! Ah ! sæpe nullo, sæpe tam aridè ac frigidè, qualiter nec vilissima persona. Vidi ipse subinde, & ingemui, ad sacram synaxim accedentes oculis hoc illuc evagari, cum vicinis confabulari, & in risum non sanctum, sed sacrilegum resolvi : à communione verò statim sese ex templo proripe.

re, cùm obiter aliquid ex libello obsibilassent. Hoc hoc est bonum Jesulum in nivibus & frigore relinquere; quemadmodum Religiosus aliquis Cisterciensis in Brabantia observavit Videat is Christum elegantissimi pueri specie in nivibus sedentem ac præ algore multum trementem ac plorantem; qui causam tanti fletus rogatus, respondit : *heu me ! heu me ! quare non flerem ? quare non ejularem ? Ecce vides, quid egens in frigore sedeo, & non est qui calefaciat me.* O immites Christi Novacas ! quomodo enim matres appellem, qui se tam barbaros erga divinissimum Infantem exhibit ? Salomon veram Matrem ab adulterina ex eo solo discrevit, quid illius viscera commota sint super Infantem qui dissecari debuit ; hujus autem minimè. Certè cuius viscera super nascituro dulcissimo puero non commoventur, hunc omni saxo ac sipylo duriorem esse oportet : hic non tantum non illius Mater, sed tyrannus. sed alter Hero. des est.

*Cantiprat.
l.2. apum-
c.t.*

3. Reg. 3.26.



DOMI-